

力不經地獄即得受生於賢善之門又有女子身亡家中父母眷屬造像造經作齋華蓋廣燃燈燭轉誦此經建齋行道夜後觀想晝夜不倦布施放生救貧度厄燒香散華一百年中吾遣司命返其鬼神復還家中大建功德供養三寶咨求道士請受真經壽得三百年吾遣化命真人下度風火鍊形返為男子身入金華山中服御仙丹七萬餘年今得昇為西靈宮中為無上法師矣

太上洞玄靈寶業報因緣經卷之八

太上洞玄靈寶業報因緣經卷之九

弘教品第二十

大慈大悲普濟真人曰

天尊所說罪福因緣善巧方便開度眾生甚深微妙不可思議然地獄窮鬼苦毒無量楚痛難堪雖蒙救拔復慮沉淪萬劫幸酸痛惱何極伏願

天尊慈悲廣洽更開要道使早遷昇過去未來俱霽利益為諸男女歷劫橋梁

爾時太上道君曰吾為汝等一切眾生所說

因緣示其罪福欲令天下識宿命根大設法門引諸男女隨其業力使出幽牢生死階梯漸頓咸盡汝今復欲簡要速得遷昇汝等男女各宜諦聽凝靜身心受其妙道人之稟生同資一氣及乎誕育係命三元壽夭吉凶富貴貧賤因緣罪福善惡死生各逐宿根悉有報對隨其業力來不差移如影逐形似聲應響三元者謂上中下也一者上元正月十五日天官主錄二者中元七月十五日地官主錄三者下元十月十五日水官主錄與三界

十方諸天上聖妙行真人玉童玉女五帝四司善惡童子一切神靈無數眾俱會玄都元陽宮中

元始之前考較男女生死錄籍罪福因緣及九幽地獄木府窮鬼悉來校誠善惡今分此

時若有善男子善女人能發自然道意採諸華果名衣上服百寶珍奇玩弄卧具諸香雜藥清淨飲食及上妙羅綺錦繡紋縵眾綵諸色造玄都大獻種種裝嚴一層兩層乃至百層千層作玄都玉京五嶽名山樓閣臺榭堂

殿形像妙麗精飾或千或萬以用供養散華燒香行道誦誦燃燈放生歌誦讚歎布施發願悔過求哀禮拜滅罪晝夜不懈我遣十天真人并諸天帝飛天神王三界四司玉童玉女無量數眾飛空步虛持幢建節把錄執符

齊到道場為其滅罪保護人民使國土安寧男女歡泰眾善齊降諸惡不生地獄苦鬼一時解脫克生天上快樂無為率土太平獲福無量

道君曰吾昔從元始天尊赤明元年七月十

五日於福集世界信行國土元壽觀中大會
說法十方天帝神仙真聖無鞅數眾及諸龍
鬼一時來會聽無妙相義時東方國土仁愛
天王造九層玄都寶盤九百枚悉以青珠青
玉青金青寶青紋青錦青紗青毅青羅青綺
青華青果青香青網乃至幡幢寶蓋衣服帳
與飲食器物皆同一色飛雲絲鶴翔鸞綺鳳
金翅朱鳥天仙伎樂填滿東方來到會中以
用供養東南國上慈和天王造十二層玄都
寶盤一百二十枚悉以紺珠紺玉紺金紺寶
紺紋紺錦紺紗紺毅紺羅紺綺紺華紺果紺
香紺網乃至幡幢寶蓋衣服帳與飲食器物
皆同一色飛雲絲鶴翔鸞鳳金翅朱鳥神
龍伎樂填滿東南來到會中以用供養南方
國土禮教天王造三層玄都寶盤三百枚悉
以丹珠丹玉丹金丹寶丹紋丹錦丹紗丹毅
丹羅丹綺丹華丹果丹香丹網乃至幡幢寶
蓋衣服帳與飲食器物皆同一色飛雲絲鶴
翔鸞舞鳳金翅朱鳥神仙伎樂填滿南方來
到會中以用供養西南國土威範天王造十

二層玄都寶盤一百二十枚悉以紅珠紅玉
紅金紅寶紅紋紅錦紅紗紅毅紅羅紅綺紅
華紅果紅香紅網乃至幡幢寶蓋衣服帳與
飲食器物皆同一色飛雲絲鶴翔鸞舞鳳金
翅朱鳥飛仙伎樂填滿西南來到會中以用
供養西方國土義議天王造七層玄都寶盤
七百枚悉以皓珠皓玉皓金皓寶皓紋皓錦
皓紗皓毅皓羅皓綺皓華皓果皓香皓網乃
至幡幢寶蓋衣服帳與飲食器物皆同一色
飛雲絲鶴翔鸞舞鳳金翅朱鳥昔聲使樂填
滿西方來到會中以用供養西北國土成化
天王造十二層玄都寶盤一百二十枚悉以
縹珠縹玉縹金縹寶縹紋縹錦縹紗縹毅縹
羅縹綺縹華縹果縹香縹網乃至幡幢寶蓋
衣服帳與飲食器物皆同一色飛雲絲鶴翔
鸞舞鳳金翅朱鳥天鈞伎樂填滿西北來到
會中以用供養北方國土智德天王造五層
玄都寶盤五百枚悉以玄珠玄玉玄金玄寶
玄紋玄錦玄紗玄毅玄羅玄綺玄華玄果玄
香玄網乃至幡幢寶蓋衣服帳與飲食器物

皆同一色飛雲絲鶴翔鸞舞鳳金翅朱鳥神
仙伎樂填滿北方來到會中以用供養東北
國土智積天王造十二層玄都寶盤一百二
十枚悉以綠珠綠玉綠金綠寶綠紋綠錦綠
紗綠毅綠羅綠綺綠華綠果綠香綠網乃至
幡幢寶蓋衣服帳與飲食器物皆同一色飛
雲絲鶴翔鸞舞鳳金翅朱鳥天仙伎樂填滿
東北來到會中以用供養上方諸國無量天
王各造三十六層玄都寶盤三十六萬枚悉
以紫珠紫玉紫金紫寶紫紋紫錦紫紗紫毅
紫羅紫綺紫華紫果紫香紫網乃至幡幢寶
蓋衣服帳與飲食器物皆同一色飛雲絲鶴
翔鸞舞鳳金翅朱鳥神龍伎樂徧滿虛空來
到會中以用供養下方國土戴德天王造二
十四層玄都寶盤二十四萬枚悉以黃珠黃
玉黃金黃寶黃紋黃錦黃紗黃毅黃羅黃綺
黃華黃果黃香黃網乃至幡幢寶蓋衣服帳
與飲食器物皆同一色飛雲絲鶴翔鸞舞鳳
金翅朱鳥神仙伎樂徧滿八方來到會中以
用供養是時十方玄都寶盤或作玄都玉京

五嶽山像或飛雲樓閣或交龍舞鳳或寶蓋華樹或蓮華芝英雕鏤錯連珠貫玉悉是自然四邊圍遠復以當方珍玩服飾綾羅錦綺名香上藥器具玩弄華果米麥車輿象馬卧具田宅宮池苑園種種裝嚴侍從左右王及皇后并諸大臣妃主國中男女無鞅數眾各持香華幢蓋同來供養五日五夜光明煥赫照曜諸天得未曾有不可思議爾時天尊以神通力變此會中及諸國土悉如瑤洞洞徹內外皆同一色國人男女皆同一貌洞見遠近平等不殊三界十方同霑福慶喜樂難言九幽罷對五苦停酸國土安寧人民快樂

道君曰昔棄善國王不修正化殺害無度田獵遠遊不恤貧窮枉傷良善廣造官殿縱放百端十三年中人民怨叛王身被戮竟入三塗眾苦備經五十八年晝夜嚴禁其子承統知父為非教已自脩大行慈儉人民慶樂車土安寧禮拜燒香常行齋直每於元日廣建福田行道講經燃燈發願抄經造像置觀度

人布施放生採諸華果名香上藥玩弄服飾綾羅錦綺眾寶珍奇種種法具清淨飲食米麥雜糧造玄都寶盤供養天尊及諸真聖賢人道士出家法身無量數眾九年之中功德薰修得離地獄上生天堂聖善國王及以皇后諸王妃主宰輔大臣國中男女賢人道士常於三元造七寶盤以上妙香藥清淨飲食諸雜繪綠眾寶裝嚴百層千層無邊無量送諸靈觀玄壇名山聖迹隨處安置供養十方三界過去未來見在三世諸天尊等仙真上聖普皆回向散華燒香禮拜誦念持齋奉戒講說大乘布施放生常行不替十八年中男女端等皆同一貌無有天傷天人歡樂衣食自然正化國王及以皇后常於三元躬自燒香散華行道講誦禮拜發願謝罪祈恩盡國中所有金銀珍寶造九重寶盤玄都大獻三百六十香華寶蓋帳與幡幢并諸音樂周而圍繞於其正殿及以庭閣廣建道場命召道士立百寶座講說大乘晝夜丹禱供養天尊國土太平兆民歡樂幽魂拔度悉上福堂男

女欣欣年命長遠平樂國王與諸大臣皇后妃主及國中男女常以三元月旦於其宮內建百高座召諸道士及以女冠講說三洞大乘經典行道禮懺布施放生抄經寫像置觀度人造三十六重玄都寶盤千二百所種種裝嚴以用供養至其元日大建福田保國泰民寧和天安地風調雨順百穀熟成七祖生天九幽罷對男女昌熾天下太平昔有賢者為過去九玄七祖及父母己身內外眷屬一切眾生常於三元之日造玄都大獻罄其誠懇資財物產香油燈燭飲食華果隨分所有供養天尊及諸道士八年之中九祖生天見世安樂年命長遠衣食自然復有女人常造玄都大獻普為一切二十年中身有光明三界侍門復有道士為國主人王人民萬物過去見存天下地上一切眾生造玄都大獻供養諸天及以道士三塗地獄餓鬼窮鬼十四年中白日昇天復有道士常勸男女為億曹萬祖人民品物國主人王採諸華果百味飲食名衣上服珍奇寶貨玩弄卧具幡華幢蓋

作玄都大獻七寶山盤於其元日供養天尊及諸聖眾禮拜懺悔散華燒香三十二年得為四梵真人

道君曰清明國無相山中有道士三萬六千人常以立夏一日入靜安居燒香行道禮懺

講誦持齋奉戒勸誘男女開度天人作諸善業晝夜不住願國安寧救度生死廣設橋梁

王及皇后并諸妃主宰輔大臣國中男女各發道心隨分供養飲食滋味香藥器具上妙衣服車輿象馬綾羅錦綺金銀珠玉米麥華

果卧具帳帳田園童僕種種布施供養資給安居道士虔心敬仰得功德利益嚴嚴道

士常為宣說經戒罪福因緣及說受身不淨奧穢四大淨假念無常三業六根構造諸

惡漸染成愆輪回生死墮落三塗九幽地獄受諸苦惱吞火食炭鑊湯煎煮足履刀山手

攀劔樹磔磨碓擣錮解錐刺鐵鳥啄睛鐵犁耕古牛頭亂拷鐵杖負身膿血流離身體爛

壞沈淪黑暗流轉沈犁負石填河晝夜拷掠一入此處萬劫難原皆是眾生業緣自受或

由父母或為子孫上流下延更相引及若善男子善女人能發善心常為德曾逮手見在己身父母骨肉親緣五苦三塗窮苦莫餓

鬼畜生囚徒老病一切眾生造玄都大獻建百高座講說大乘抄經寫像置觀度人捨身

供養出家人道布施放生長齋奉戒隨其功德悉上生天晝夜勸說開悟國人滿一百五

日至中元之辰大會說法受戒懺悔大度眾生國人男女皆發善心上妙衣服供養法具

香爐灑灌几杖坐褥名香上藥玩弄調度巾韞之英盤盂器物上獻天尊兼諸仙眾真人

道士以用供養徧及三塗囚徒餓鬼一切眾生皆得離苦國土安寧人民快樂三萬六千

道士各壽萬歲俱昇實乘天中為四梵真人清明國王上為梵度天王皇后昇為四梵天

女大臣宰輔並入恭華天中更受經法享福無窮

道君曰吾所以說此者示汝簡要之法使當來男女及一切眾生有心回向歸命正道以求度脫作生死福田能於三元大慶之日造

玄都大獻供養天尊及諸道士行道禮誦發片善心丹禱不退過去見在未來三世獲福無量不可思議

證寶品第二十一
道君告普濟曰若有善男子善女人能發一

心念造經鑄像立觀度人布施持齋奉戒精進勇猛忍辱清靜若大若小若權若實或深

或淺或始或終皆當有實令眾證明不得外假聲譽內無實相苟求虛稱而不丹誠乃至

行道誦經燒香禮拜居山入室斷殺休糧度厄濟貧修真學道少不誠至即不感通昔劉

黃民者家大富有嘗作經像禮拜燒香屈請道士持齋念誦而心不盡唯覓名聞一百年

中身死化為鳳凰六十年還化為人家大富有大建功德三十年得尸解入青華宮中黃

安世者入山學道在石室中誦經禮拜心不精至而覓飛騰四十年中化作翔鴻九十年

得轉身為女子形容端正好樂神仙精誠感徹五十年中夜先玉女來降賜靈寶五芽法行之十三年白日騰舉登黃會天中得為天

女已七千歲王子期者斷穀不食獨生空山不修諸行六十年化為青石後三十年一旦雷震石裂中出一龍直入金堂山中為道士中經屋八年聞道士誦經持戒轉身生清梵王門大建功德二十四年東華真人潛授神丹服之壽三百歲心常翹勤遇會道士為授此經修行十六年白日昇天得為大極仙王韓元壽者精思入室誦經不專一旦天火燬屋經飛上天九十年中元壽化為木精李正玄者本是獵人行山遊獵至一山中值道士學道遂精心事之三十年中勤苦不退道士謂曰子欲得長生不乎正玄稽首曰鳥鼠貪生願賜延年終身奉事不敢怨怠道士曰子但禮此山下枯樹自當有得正玄即晝夜禮之一十三年枯樹生華非常煒燁道士知其誠懇授與此經三十年中飛行虛空仲期靈者入山學道一百年中精誠篤志天魔下試化為饑虎直入室中期靈遂伸脚與之魔知其心復其本形舉名仙曹五帝真人下授此經十七年中變化自在入蓬萊山中安度明

者山中誦經三十七年中黃真人化為獵師持毒蛇與之度明欣然受之蛇化成金蓮中黃感其心定便令食芝身生金光五百年中遊行五嶽得為太極左仙公周惠化者好布施救貧窮辛勞不倦智觀真人託作凡人就其乞食惠化哀慙十倍於常真人乃疾萎卧于家三百日中在牀不起臭穢異常惠化無嫌色真人乃夜中謂曰知子至誠來想度耳惠化拜曰凡夫無識謬見提獎願得延年因賜神丹服之壽八千歲修行此經今為西華仙人張延先者供養道士七十年始終如一心不退懈應世真人託作道士形容羸陋衣服臭穢來投居止因便抱病七日而死尋即爛壞延先哀慙逾於骨肉應世真人識其誠至尋即更生授與此經二百年中長生不老入浮來山中枕寶香者桐栢山中修道三百六十年已得延年一旦輪天童子託作獵人就此止宿夜中放火燒其所居寶香曾無改色童子遂授解化之道一旦飛入紫霄之中趙昌明者大和山道士入海嶠山學道七

百餘年一旦山精大神諸雜魔等來試昌明或作仙人或為儒生乍翔乍伏種種變化昌明謂曰子山精小鬼勿得干吾因以經指之各反本形拱手恭敬道士因為說法受戒後三百年山精等轉為善神將此華果來獻昌明說昔因緣求更受戒法昌明乃為懺悔受戒一百年中化生清梵國大富家作女形容端正聰明智慧愛樂經法大建功德身作女冠四十七年勤誦經戒金華玉女下授此經一旦入地肺山中得三萬年今為太極真妃夫真人下試之時或託貧賤或作飢寒或為篤疾或為形殘或為乞子或化賢人或化天魔或變精魅千變萬化試鍊學人悉其誠實方始開度汝等當來男女宜諦慎之

攝因品第二十二

普濟問曰眾生無量識見不同善惡造因根基各異若遍開十部則智力不均如說一乘又悟解難入未知取適其意若何

道君曰因機取悟無方不攝既知簡要復得開通欲中物宜何適不可普濟曰簡要之理

實所願聞

道君曰若衆生好殺害損傷者則以慈悲門攝之若偷盜劫奪者則以分義門攝之若邪姪放蕩者則以貞潔門攝之若慳貪吝惜者則以布施門攝之若瞋怒鬪爭者則以歡喜門攝之若愚癡顛倒者則以方便門攝之若綺言浮華者則以簡正門攝之若妄語虛誑者則以信順門攝之若惡口咒詛者則以誦念門攝之若兩舌罵詈者則以讚歎門攝之若飲食酒肉者則以齋戒門攝之若誹謗管

十四門常攝一切安樂衆生不亦要乎善濟曰此雖簡要猶患其多昔天尊教等相以無相之理攝化衆生可不簡乎

道君曰彼以無相之相等會一乘今示有相之相欲齊萬法普濟曰彼既無相無相從何

等會一乘今既有相有相如何得齊萬法道君曰無相相無其相所以等會一乘有相

相滅其相是以欲齊萬法普濟曰有相則為相有相有那能得齊無相則為相無相無從何而會

道君曰本以無相為相無故能會有相滅相滅故能齊普濟曰亦可以無攝為攝何假更

說攝因道君曰吾本以無攝攝化衆生衆生未悟故說攝耳衆生若悟亦無攝因

生化品第二十三

道君曰天地未分之時混沌沌沌冥溟無形元始妙化運轉開張清氣上澄浮而為天濁

氣下凝結而為地陽精為日陰精為月日月之精為星辰和氣為人旁氣為獸薄氣為禽

繁氣為蟲附神立象種類相因合會生育各有因緣隨其業報任命沉浮或愚或智或暗

或明或大或小或濁或清或壽或夭或陋或貞千殊萬品稟道生形更相啖食強弱侵凌

矯詐互起罪福縱橫修善獲福造惡致刑元始念世教化人間從劫到劫數等塵沙開張天地造化陰陽莫不皆由元始矣元始以龍

漢之時出世教化號曰無形覆護群品救度衆生延康御運又號無名布化國土濟度天人赤明開光復稱梵形下代救物慈濟無方開皇統劫復號虛皇成生品識陶鑄乾坤速至上皇總號元始攝化諸天元始轉輪終始循環猶如四序往返無窮隨物變化萬號千名或凡或聖或智或愚乘雲御氣黃褐玄冠龍衣虎帶玉相金容或大或小出入無間生

化一切覆護衆生愚夫冥冥誰測之乎吾今受命統攝法輪奉行經教不敢違焉汝等男女宜各竭情矣普濟曰天尊屢說劫數未審一劫凡有幾年天尊得道已來已經幾劫

道君曰劫者天地改變之名凡有二種一者

大劫二者小劫大劫者謂上極三界一十八
 天下極九壘三十六地水火風災燒除漂蕩
 其中人物無有遺餘杳冥冥無光無像三
 洞大法學道證真龍駕下迎悉登梵行諸雜
 小教不入大乘與劫同淪化成灰燼小劫者
 謂有形之類念無常改世易形即名為劫
 但眾生果業運遇因緣有短有長有延有促
 若修善念道奉戒持經則日月延長累身具
 足若造諸罪業不信因緣則日月短促百年
 不滿年數多少非算可知以事況之多少可
 得有一大石正方四面廣四百里高亦如
 之飛天持一物如蠅羽九年一下拂之石盡
 為劫又有一城正方四面闊四百里高亦
 等耳滿中芥子飛天九年一下持出一顆芥
 子盡為劫又一區正方面四百里滿中細塵
 飛天人七年來出一塵塵盡復為劫晉濟以
 此三者思之多少可得若我得道已來劫數
 以此三者數之亦不可得普濟曰今聞
 天尊妙說諸疑俱盡不可思議不可思議
 太上洞玄靈寶業報因緣經卷之九

太上洞玄靈寶業報因緣經卷之十 文十

廣統品第二十四

大慈大悲普濟真人以業報因緣請問太上
 爾時太上道君曰十方世界各有五億五萬
 五千五百五十五億五萬五千五百五十諸
 天開方布域置立天官天上地下地下天上
 日月星辰山川嶽瀆結炁飛雲而成金樓玉
 閣寶殿瑤房霞堂紫觀星苑雲林鸞庭鳳圃
 浮空架虛挾旁日月分域布郭萬品千名遍
 滿無間仙真上聖天帝天師隨處安居各施
 經教司主錄籍生死因緣男女算命善惡苦
 凶晝夜考覈判人天一一方內一天中
 各有大道各有天尊各有天帝各有天師各
 有仙真東聖四司五帝使者將軍善惡童子
 五斗靈官一一教化立法不同皆吾統攝布
 化其間善惡報應男女命根罪福緣對宿命
 因緣草木蝻虻一切眾生莫不待我布炁而
 得受生矣

會真品第二十五

道君告普濟曰一切有形皆悉浮假念滅

壞曾不暫停苦惱輪回凡夫不覺三塗往返
 萬劫辛酸生身受身煩惱纏縛皆由妄想顛
 倒執見關心汝等男女滅諸妄想妄滅滅已
 方會正真當須定志靜觀萬法莫不皆空及
 我身心內外俱泯離諸纏縛登解脫門出入
 逍遙無為自在不生不滅永斷苦因普濟曰
 眾生苦惱常為有身生死輪回不能自出云
 何方便妄想得除
 道君曰眾生妄想顛倒皆從心起強生分別
 繫念我身觸景生迷舉心皆妄為是悞故顛
 倒沉淪流浪生死不能自出當須定志智慧
 觀身骨肉肌膚形骸毛髮六根四大五物百
 神諦想思惟總無實處共相假合結聚成真
 未裏尋求我在何所身既是假心則成空空
 假非真悉為妄想身妄想已諸法皆然彼我
 是非憎愛取捨色嗜香味嫉妬慳貪殺盜邪
 淫綺言惡罵凡諸作業泯爾皆除內外清虛
 自會真道普濟曰身雖浮假塊耳有形痛痒
 酸疼風寒暑濕內外動觸念念相侵少有不
 和憂惱俱至如何觀想頓得滅除